



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1589. usque ad annum 1595 - Una Cum Criticis R.P.  
Honorati A S. Maria Carmel. Discalc. Observationibus In Historiam  
Ecclesiasticam Abbatis Fleurii

**Fleury, Claude**

**August. Vind. [u.a.], 1772**

**VD18 90118669**

§. 98. Joannis lens, seu Lensæi obitus.

---

[urn:nbn:de:hbz:466:1-67252](https://nbn-resolving.org/urn:nbn:de:hbz:466:1-67252)

Sæcul. XVI.  
A.C. 1593.

„pacem sufficiens est, quinimo exinde  
„magis, quam unquam omnium nostræ  
„religioni addictorum animi exaspera-  
„buntur, dum hæc Regis jussu execu-  
„tioni dari videbimus, semper enim li-  
„vido oculo aspiciemus, quod Religio-  
„nem Catholicam profitendi libertas  
„in illis locis, ubi interrupta fuit, re-  
„stituetur, nostræ autem reformatio-  
„nis exercitium ad Pictaviensis edifici  
„limites restringatur: præterea peti-  
„mus, ut nostri Ministelli ex Ecclesiasti-  
„corum redditibus alantur, prout a de-  
„functo Rege in Delphinatu jamjam  
„concessum fuit. „ Equidem Rex die  
vigesima prima Januarii ad hæc petita  
respondit, firmiter tamen Pictaviense  
edictum effectui dari voluit, quomodo  
autem ministrorum sustentationi prospici-  
ceretur, ad aliud tempus differendum  
edixit. Hoc responso Protestantes ve-  
hementer commoti recesserunt, & abs-  
dubio suam indignationem apertius de-  
monstrassent, nisi Plessius Mornajus, ali-  
que Proceres Calvinistæ Regi additi  
ad ipsos placandos suam operam im-  
pendissent.

## §. XCVIII.

*Joannis Lens, seu Lensæi obitus.*

Dupin Bibl.  
des Auth.  
du Siecl.  
XVI p. 4.

Pro more nostro hujus anni eventus,  
atque historiam concludimus, refe-  
rendo



rendo illustrium Virorum fata, quos inter recensendus venit Joannes Lens, seu Lensæus celebris Theologus, qui Lovanii anno ætatis suæ ferme quinquagesimo secundo die secunda Januarii naturæ debitum solvit. Is Belgioli exiguæ Hanoniæ oppido prope Ypras in Atheniensi ditione natus percurso Lovanii studiorum curriculo postmodum Philosophiam, & Theologiam publice cum ingenti nominis sui fama professus est, præcipue in hoc clarus, quod sancti Augustini doctrinam, ejusque profunditatem, necnon Lactantii stylum, illiusque elegantiam mire affecutus sit, cujus rei luculentum argumentum præbent cuncta opera, quæ posteris reliquit, inter quæ præprimis celebrantur hi, qui sequuntur, tractatus I. De unica Christi Ecclesia in terris. II. De unica Religione III. De Verbo Dei non scripto IV. De libertate Christiana, V. Duo libri de Purgatorio, & tertius de limbo Patrum. VI. De Satisfactione ecclesiastica Pœnitentis contra Benedictum Aretium. VII. De mira Ecclesiæ concordia. VIII. De fide, spe, & Charitate contra hæreticos. IX. De justorum persecutionibus, & officio hominis durante persecutione.

Præterea scripsit tractatum, quo semetipsum, & Christianam Rempubli-

*Hist. Eccles. Tom. II.*

Cc cam

Sæcul. XVI.  
A C 1593.

*Aubert Mir.*  
*elog. Belg.*  
*pag 38.*  
*Apol. cens.*  
*Lov. p. I.*



Sæcul. XVI  
A. C. 1593

cam adversus impium usurpatorem defendit, nec minus edidit Confutationem scripti Antverpiæ divulgati contra Joannem Austriacum Belgii Gubernatorem, in quo libello conscientiae libertas postulabatur: insuper elucubavit declarationem Facultatis Theologicæ Lovaniensis circa articulos Michaelis Baji per Pii V. Constitutionem damnatos, ac unacum ceteris anno Christi millesimo quingentesimo octogesimo octavo ejusdem Lovaniensis Facultatis censuram elaboravit contra Jesuitas circa doctrinam de Gratia. Ceterum potissimi ex ejusdem libris ab anno Domini millesimo quingentesimo septuagesimo octavo usque ad annum Salutis nostræ millesimum quingentesimum octogesimo octavum per varia tempora Coloniae, Lovanii, & Antverpiæ typis editi fuere, excepto illius tractatu de fide, spe, & charitate, qui non nisi anno post Christum natum millesimo quingentesimo nonagesimo nono prodit cura Joannis Clarii, cui Lensæus omnia sua opuscula nondum typis vulgata reliquerat.

§. XCIX.

*Tilemani Bredenbachii mors.*

*Aub. l.c.*  
*pag. 48.*  
*Val. Andre*  
*Bibl. Belg.*

Ad eundem annum refertur obitus Tilemani Bredenbachii, qui circa res ecclesie